



**M**elchior natus est ex nobili familia Liechtenfelsiorum in Constantiensi diocœsi, anno Christi millesimo quingentesimo & decimo septimo. patrem habuit uirum clarissimum Iohannem à Liechtenfels, atq; matrem Ursulam Pseüuin de Riepur. Is cum foelici ingenio esset prædus, parentum consilio operam literis dedit, atq; Friburgi Brisgauriæ prima literarum fundamenta iecit. Postea quoq; in eadem Academia bonis artibus atq; linguis diligentem operam nauauit. Inde sese Tholam Burgundionum contulit, & animum omni genere literarum excoluit. Cum hoc modo pietate & doctrina innotesceret, à Collegio Basiliensi cathedrali inter Canonicos receptus fuit.

Ibi ea animi moderatione uixit, ut post Philippi à Gundelsheim optimi Episcopi Basiliensis obitum, anno 1522 in Episcopatu uicetenens constitueretur. In ea uocatione cum per biennium magna prudentia in Brunnentraudt arce Episcopali perseuerasset, tandem anno salutis millesimo quingentesimo quinquagesimo quarto omnium Canonicorum suffragijs, & summa gratulatione subditorum Episcopus electus & confirmatus fuit.